



Ad Israeɛl koambã, yaa nabiyaam-rãmb n rag n yaa b taoor rãmba, nabiyaam sã n halk fãa, nabiyaam n ledsd-a, la ad nabiyaam ka be mam poorẽ ye, la ad ledsdb n na n zĩnd mam poorẽ, b na n wusgame

Yii a Abu Haazim nengẽ a yeelame: mam zĩnda ne a Abuu Hurayrat (Wënd yard be a yĩnga) yuum a nu, la mam wum-a lame t'a yẽsd sãn yi Nabiyaamã nengẽ (Wënd puusg la A tulgr be a yĩnga), t'a yeelame: «Ad Israeɛl koambã, yaa nabiyaam-rãmb n rag n yaa b taoor rãmba, nabiyaam sã n halk fãa, nabiyaam n ledsd-a, la ad nabiyaam ka be mam poorẽ ye, la ad ledsdb n na n zĩnd mam poorẽ, b na n wusgame» La b yeel yã: la yaa bõe la fo sagend tõnd wakat-kãngã? La a yeel yã: «Pids-y rëenem-rãmbã balengo, kõ-y-b b hake-rãmbã, tĩ ad Wënd na n sok-b lame bũmb ninga A sãn gũneg ne-ba».

[Naşun Şahuhun (Gom-sikdem sãn manege)] [B zemsa taab a zugu (A Al-Buħariy la a Muslim n reeg-a)]

Nabiyaamã (Wënd puusg la A tulgr be a yĩnga) kõo kibare tĩ ad Israeɛl koambã, yaa nabiyaam-rãmb n rag n get b taoor yelle, n yas ne b yela, wala taoor-rãmbã la nanamsã sãn yas ne nimbuiidã yellã, la sãang sãn puk b pugẽ la Wënd sãn tumsd nabiyaama b nengẽ t'a wa tãeg b yellã la a yees bũmb ning sãn be beenẽ la bãmb sãn tedgã sãn yaa bu-yoodã. La tĩ nabiyaam ka be mam poorẽ n na n maand wala bãmbã sãn rag n maandã ye, la ad ledsdb n na n zĩnd mam poorẽ, n wusgdẽ, tĩ tak-n-taar zĩnd ne b taab suka. Tĩ Şahaabsã (Wënd yard be b yĩnga) sok Wënd Tën-tuuma (Wënd puusg la A tulgr be a yĩnga), n yeele yaa bõe la f sagend tõndo? T'a yeele: y sã n balem naaba, naab sãn da be loogr poorẽ, rënd rëenem soaba nengẽ wã la sõma, yaa tilae tĩ b pids yẽ, la yiib soabã nengẽ wã, yẽ yaa zaalem, yaa haraam t'a wa tug n baood yel-kãngã menga, la y kõ nanamsã b hake-rãmba, la y tũ-ba, la y tum ne-ba, ne wum la tũ, tĩ sã n ka Wënd kusgo, tĩ ad Wënd na n sok-b lame la A geel-ba b sãn maan yãmb ne bũmb ning tĩ ka zemsã.

<https://sunnah.global/hadeeth/mos/show/4936>

